



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1719. usque ad annum 1720

Fleury, Claude

August. Vind. [u.a.], 1782

VD18 13322648

§. 9. Acceptantium Episcoporum fervor contra Opponentium ausus.

[urn:nbn:de:hbz:466:1-67659](https://nbn-resolving.org/urn:nbn:de:hbz:466:1-67659)

data, in quibus hoc principium addu- Sæc. XVIII.
 citur, & Regens in suo edicto die 7. A. C. 1719.
 Octobris supponit, hanc Constitutio-
 nem non esse Universalis Ecclesiæ le-
 gem. Denique ob dissensiones, tumul-
 tus, mutuas criminationes, excom-
 municationes &c. quæ ex literarum *Pa-*
storales executione orirentur, Noaillius
 ait, quod jure suam appellationem in-
 novet &c.

§. IX.

*Acceptantium Episcoporum fervor
 contra Opponentium ausus.*

Cum Acceptantes Episcopi de Reli- Dorsann.
 gionis periculo solliciti, & de obe- Journal
 dientia sacræ Sedi debita convicti pravo pag. 431.
 Cardinalis ac Archiepiscopi, Parlamen- Lafiteau
 torum, & Universitatum exemplo fa- pag. 126.
 cile Clerum, gregemque suum rebel-
 lionis lue infici posse timerent, eorum
 plusquam quinquaginta in suis Diæ-
 cesibus literas publicarunt, quibus sa-
 ctam Constitutionis acceptationem in-
 novantes, confirmantesque, Instructio-
 nem Pastoralem Anno 1714. editam
 sæpius relegi, simulque cunctis utrius-
 que Cleri Ecclesiasticis, omnibusque
 suarum Diæcesium fidelibus sub pœnis
 in Constitutione pronuntiatis præcepe-
 runt, ut corde & animo sese Bullæ, tan-
 quam

Sæc. XVIII. A. C. 1719. quam Constitutioni *dogmaticæ* ab universa Ecclesia receptæ subjicerent, omnesque appellationes ab ea factas pro frivolis, illusoriis, scandalosis, sacræ Sedi & Episcopali Ordini injuriis, Ecclesiæ auctoritati contrariis, schismaticis, & ad innovandos, fovendosque proscriptos errores tendentibus haberent, ac sub anathematis pænis ipso facto incurrendis ab appellationibus quocumque modo interponendis abstererent, nec quicquam Ecclesiæ Catholicæ judicio, debitæque venerationi & obsequio contrarium loqui, scribere aut attentare, aut in favorem appellationum agere auderent, si vero jam appellassent, suas appellationes intra bimestre revocarent. Insuper Viennensis Archiepiscopus die vigesima quinta Septembris ipse in sua Cathedrali convocatis omnibus Clericis & Ministris e suggestu suo acceptationis mandatum inter Missæ solemnias promulgabat, palam attestatus, quod eadem die & hora sexaginta Franciæ Episcopi pariter sua mandata facerent publica, alii etiam Episcopi suæ acceptationis literas e suggestu promulgari, ac Ecclesiæ januis affigi jusserint: cum ergo Appellantes totius suæ factionis auctoritatem tot Præfulum & plurium adhuc, qui eis adhærebant,

tam

tam publico testimonio imminui cerne-
rent, nil reliquum habebant, quam ut
laicorum, a quorum tamen jurisdic-
tione exemptionem aliis in occasioni-
bus tam ardentem propugnabant, opem
implorarent; & quid eo tempore, quo
Constitutionem defendere, crimen con-
tra impositi legem commissum, eam
vero proscindere, gloriosum audiebat,
magis expeditum erat, quam Parlamen-
torum patrocinium obtinere: Præpri-
mis ergo Aurelianensis Parlamenti Pro-
curator Episcopi sui mandatum *tanquam*
feditiosum, scandalosum, & recta Regiæ
declarationi (circa silentium observan-
dum) *oppositum* abstrahi & lacerari pe-
tiit, obtinuitque: Accurrit Episcopus
unacum suo Vicario Generali & Secre-
tario, tantam Ecclesiæ & sibi injuriam
irrogari deprecatur, & contra violen-
tiam totius populi testimonium implo-
rat, nihilominus interminata etiam
ipsius Episcopi captivitate ejus man-
datum abstrahitur, laceratur: nec be-
nignius habebantur Bituricensis, &
Rothomagensis Archiepiscopi, alii-
que Præfules.

Sæc. XVIII.
A. C. 1719.

§. X.

*Opponentium audacia per Regni Mo-
deratorem coercita.*

E 3

Cum